



Broj: 01-11-2-2434/20-9
Konjic, 09.11.2020. godine

Na osnovu člana 69. stav (2) tačka e) i člana 70. stav (1), (4) i (6) Zakona o javnim nabavkama ("Službeni glasnik BiH", broj: 39/14), Preporuke Komisije broj: 10-11-2-2434/20-7 od 06.11.2020. godine, u postupku javne nabavke "Izvođenje radova na rekonstrukciji puta Repovci – Križ", a u skladu sa članom 38. i 39. stav 2. Statuta Općine Konjic ("Službeni glasnik Općine Konjic" broj: 4/11, 6/11 i 3/20), i člana 1. Odluke o ovlaštenju rukovodećeg državnog službenika ("Službeni glasnik Općine Konjic" broj 3/20) Načelnik Općine Konjic d o n o s i

O D L U K U **o poništenju postupka javne nabavke**

Član 1.

Prihvata se Preporuka Komisije za nabavku, broj: 10-11-2-2434/20-7 od 06.11.2020. godine i poništava se postupak javne nabavke radova "***Izvođenje radova na rekonstrukciji puta Repovci – Križ***" iz razloga što su cijene svih prihvatljivih ponuda znatno veće od osiguranih sredstava za predmetnu nabavku – član 69. stav (2) tačka e).

Član 2.

Ova odluka objaviće se na web - stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

Član 3.

Za izvršenje ove Odluke zadužuje se Služba za zajedničke i stručne poslove.

Član 4.

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 01-11-2-2434/20 od 18.08.2020. godine.

Javna nabavka je sprovedena konkurentskim zahtjevom za dostavom ponuda.

Procijenjena vrijednost javne nabavke bez PDV-a je 79.900,00 KM.

Načelnik Općine Konjic je Rješenjem o imenovanju Komisije broj: 01-11-2-2434/20-2 od 18.08.2020. godine imenovao Komisiju za javnu nabavku i zamjenske članove za predmetnu.

Na osnovu obavještenja o nabavci broj: 637-7-3-40-3-26/20, objavljenog 31.08.2020. godine na Portalu javnih nabavki, tenderske dokumentacije i izmjena i dopuna tenderske dokumentacije, putem konkurentskog zahtjeva za dostavom ponuda, izvršeno je prikupljanje, analiza i ocjena podnesenih ponuda za nabavku predmetnih radova.

Javno otvaranje ponuda izvršeno je 21.09.2020. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-2434/20-4.

Komisija je blagovremeno i pravilno izvršila otvaranje i ocjenu pristiglih ponuda za nabavku radova "Izvođenje radova na rekonstrukciji puta Repovci – Križ" o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: četiri (4);
Pristigle su ponude ponuđača:
 - 1) GPI d.o.o. Konjic, ul. Sarajevska br. 31, 88400 Konjic;
 - 2) AGI d.o.o. Konjic, ul. Živašnica bb do broja 50, 88400 Konjic;
 - 3) BUJICE d.o.o. Konjic, ul. Stara čaršija br. 88, 88400 Konjic i
 - 4) PBP d.o.o. Konjic, ul. Donje polje do broja 42, 88400 Konjic.
- da su blagovremeno zaprimljene sve navedene ponude,
- da je broj neblagovremeno zaprimljenih ponuda; nula (0),
- da su ponude ponuđača: AGI d.o.o. Konjic, BUJICE d.o.o. Konjic, PBP d.o.o. Konjic prihvatljive, dostavljena je sva tražena dokumentacija u skladu sa zahtjevima iz tenderske dokumentacije,
- da je neprihvatljiva ponuda ponuđača GPI d.o.o. Konjic. Komisija za javnu nabavku je prilikom pregledanja i ocjene ponuda utvrdila da ponuđač GPI d.o.o. Konjic u svojoj Ponudi broj: II-1243.09/20 od 21.09.2020. godine, nije dostavio potpunu tehničku specifikaciju u skladu sa tenderskom dokumentacijom, odnosno u PREDMJERU RADOVA tačka I. PRIPREMNI RADOVI nedostaje stavka br. 2 (strana broj 47. navedene ponude). Shodno tome ponuda ponuđača GPI d.o.o. Konjic se odbija kao neprihvatljiva u skladu sa članom 68. stav (4) tačka i) Zakona, jer ponuda nije potpuna i ne ispunjava zahtjeve iz tenderske dokumentacije.

Nakon izvršene ocjene ponuda ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 23. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	BUJICE d.o.o. KONJIC	113.836,49 KM
2.	PBP d.o.o. KONJIC	122.011,27 KM
3.	AGI d.o.o. KONJIC	138.683,66 KM

Komisija je nakon analize prihvatljivih ponuda zakazala e-aukciju za dan 30.09.2020. godine u 11:00 sati, te istu provela u skladu sa uslovima iz tenderske dokumentacije kojom je predviđeno održavanje e-Aukcije i Pravilnikom o uslovima i načinu korištenja e-Aukcije („Službeni glasnik BiH“, broj: 66/16). E-Aukcija je provedena putem sistema e-Nabavke na web stranici www.ejn.gov.ba.

Po okončanju e-Aukcija, koja je trajala od 11:00 do 11:14 sati (Izvještaj o toku i završetku e-Aukcije u prilogu), Komisija daje tabelarni pregled prihvatljivih ponuda ponuđača kako slijedi:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (bez PDV-a)
1.	PBP d.o.o. KONJIC	112.600,00 KM
2.	BUJICE d.o.o. KONJIC	112.777,00 KM
4.	AGI d.o.o. KONJIC	138.683,66 KM

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da su cijene svih prihvatljivih ponuda znatno veće od osiguranih sredstava za predmetnu nabavku, te dala Preporuku rukovodiocu ugovornog organa broj: 10-11-2-2434/20-6 od 06.11.2020. godine, da se poništi predmetni postupak javne nabavke.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje Preporuke Komisije.

Naime, u postupku je nesumnjivo utvrđeno da su cijene svih prihvatljivih ponuda znatno veće od osiguranih sredstava za ovu nabavku, čime su se stekli uslovi za poništenje postupka javne nabavke.

Iz navedenih razloga, primjenom člana 69. stav (2) tačka e) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

DOSTAVITI:

1. Načelniku,
2. Ponuđačima,
3. Službi za prostorno uređenje, građenje i obnovu
4. Službi za privredu, finansije i društvene djelatnosti,
5. Službi za zajedničke i stručne poslove,
6. A/a

N A Č E L N I K
Po ovlaštenju Općinskog vijeća
S E K R E T A R

Fadil Tatar

Pripremio: Elvir Nuhić
Kontrolisao: Nedžad Ramić